

Gofynnwch am:

Llinell Uniongyrchol:

E-bost:

Ein Cyf:

Eich Cyf:

Dyddiad:

4 Rhagfyr 2020

Annwyl Riant/Warcheidiad

Diolchwn i chi am y gefnogaeth yr ydych wedi'i rhoi i'n hysgolion dros y misoedd diwethaf. Mae wedi bod yn gyfnod heriol a bydd yn parhau i fod yn heriol am ychydig fisoedd eto. Fodd bynnag, drwy gydweithio rydym yn hyderus y byddwn yn dod drwy'r argyfwng iechyd cyhoeddus hwn. Rydym yn arbennig o ddiolchgar i rieni a disgyblion fel ei gilydd sydd wedi dilyn rheolau a rheoliadau cyhoeddus/ ysgolion er mwyn cadw'n ddiogel yn ystod tymor yr hydref.

Yr ydym yn ymwybodol y bu trafodaethau yn y wasg ynglŷn â'r pwysau ar y system addysg ac awgrymiadau ynglŷn ag wythnos lawn olaf y tymor, sy'n dechrau ar 14 Rhagfyr 2020. Ar ôl ystyried yr holl dystiolaeth a'r cyngor gwyddonol sydd ar gael, rydym yn ysgrifennu i gadarnhau safbwynt Cyngor Abertawe y bydd ysgolion yn parhau i fod ar agor i ddisgyblion tan ddydd Gwener 18 Rhagfyr. Bydd bron pob ysgol a darparwr yn Abertawe yn defnyddio 21 Rhagfyr a 22 Rhagfyr fel diwrnodau HMS.

Deallwn fod pwysau sylweddol ar staff mewn ysgolion ac mae llawer yn delio ag effaith achosion cadarnhaol o Covid-19 ar ysgolion. Er mwyn sicrhau lles ein plant, ein pobl ifanc a'n staff, a sicrhau bod pob un ohonom yn gallu mwynhau gwyliau'r ysgol gyda'n teuluoedd, mae angen i bob un ohonom barhau i weithredu'n gyfrifol dros yr wythnosau tyngedfennol nesaf.

Mae gan ysgolion yn Abertawe weithdrefnau llym ar waith i amddiffyn dysgwyr a staff ac mae ganddynt hanes ardderchog o gadw dysgwyr yn ddiogel a chadw dysgu i fynd. Fodd bynnag, mae llawer o ddysgwyr a staff wedi gorfod hunan ynysu am 14 diwrnod. Mae rhedeg ysgol ar hyn o bryd yn heriol dros ben i benaethiaid yn Abertawe. Rhaid inni gydnabod, unwaith eto, ymroddiad arweinwyr ein hysgolion a'u staff sydd wedi dyfalbarhau yn ystod y cyfnod anodd iawn hwn.

Mae penaeithiaid ac arweinwyr eraill wedi bod ar-alwad bob dydd, gan gynnwys penwythnosau ers misoedd lawer. Rhaid inni nodi hefyd fod athrawon, cynorthwywyr addysgu a staff ysgolion wedi blino'n lân ac nad ydynt wedi cael seibiant gwirioneddol ers mis Medi. Mae cymhelliant staff sydd wedi bod yn ymateb i Covid-19 ers misoedd lawer yn dechrau pylu, yn ddealladwy. Fel y dywedodd un pennaeth yr wythnos hon "Ni

allaf barhau i wisgo fy nghlogyn anorchfygol." Mae arweinwyr ysgolion a'u staff yn blino fel y mae llawer o grwpiau eraill o weithwyr hanfodol.

Gydag achosion Covid-19 ar gynnydd mae'n amlwg bod rhai grwpiau o ddisgyblion wedi gorfod hunan ynysu sawl gwaith a bydd hyn wedi effeithio ar eu haddysg. Mae nifer cynyddol o achosion staff cadarnhaol neu staff sy'n gorfod hunan ynysu gan arwain at drafferthion staffio wedi bod yn thema amlwg yr wythnos hon. O ganlyniad, mae'n fwyfwy tebygol y gallai lefelau staffio anniogel olygu bod ysgolion unigol yn gorfod cau am resymau iechyd a diogelwch.


Mae'r effaith negyddol ar bresenoldeb yn yr ysgol yn dechrau dangos. Rydym yn ymwybodol bod ysgolion bellach yn derbyn ceisiadau i gadw plant i ffwrdd o'r ysgol yn ystod wythnos olaf y tymor. Mae'n hanfodol bwysig bod disgyblion yn mynychu'r ysgol pan allant, er mwyn cynnal parhad eu haddysg. Deallwn fod rhai rhieni wedi cyflwyno ceisiadau am absenoldeb ar gyfer eu plentyn/plant. Fel gyda phob cais am absenoldeb yn ystod y tymor, caiff y rhain eu hystyried fesul achos ond gan fod presenoldeb yn yr ysgol yn orfodol, mae'n debygol y bydd unrhyw absenoldeb, ac eithrio salwch neu hunan ynysu, yn anawdurdodedig. Ar hyn o bryd nid oes unrhyw gosbau am beidio â mynychu.

Gofynnwn yn garedig i chi weithio gyda ni i geisio sicrhau nad oes rhaid i'n dysgwyr, ein staff a'n teuluoedd hunan ynysu dros wyliau'r Nadolig. Bydd llai o achosion yn y gymuned yn golygu llai o achosion mewn ysgolion a fydd yn lleihau'r pwysau sy'n ein hwynebu ar hyn o bryd. Gofynnwn yn gwrtais i chi sicrhau bod eich plentyn yn cyfyngu ar eu cyswllt yn y gymuned ac yn parchu'r cyngor ynghylch golchi dwylo, cadw pellter cymdeithasol a gwisgo gorchuddion wyneb.

Bydd teuluoedd sy'n gymwys i gael prydau ysgol am ddim yn derbyn taliad ar gyfer gwyliau'r Nadolig (sy'n dechrau ar 23 Rhagfyr). Bydd rhagor o wybodaeth yn cael ei e-bostio at rieni cymwys. I deuluoedd lle nad yw taliadau uniongyrchol i gyfrifon banc yn bosibl, gellir archebu bag bwyd o'r ysgol i'w ddanfôn i'r cartref.

Gobeithiwn y gallwn i gyd weithio gyda'n gilydd i gefnogi ein hysgolion a sicrhau y gallwn fwynhau gwyliau'r ysgol yn ddiogel. Diolch am eich holl gefnogaeth.

Cofion



Cllr Rob Stewart
Arweinydd y Cyngor



Cllr Jennifer Raynor
Aelod Cabinet dros Wella Addysg a Sgiliau



Phil Roberts
Prif Weithredwr



Helen Morgan-Rees
Cyfarwyddwr Addysg Dros Dro